

Число 10.

Ужгородъ, 1. новембра 1925.

Роєник V.

# БІЛЮВЪСТІЦІК

Білоруський

Да бсій  
єдіно  
бъдасть

Iw. 31, na.

ДУХОВНА ГАЗЕТА ДЛЯ ПОДК РУСИНОВ

# Книгопечатное Акц. Товариство „УНИО“

Купуй товары  
только у своего!

поручаетъ всяkimъ потребамъ соотвѣтно заосмотрену, съ буквами церковнославянскими, гражданскими, юсъкими, ческими, угорскими, греческими и еврейскими, богато пристроену свою

## книгопечатню

котра принимаетъ для друкования всякъ литературнъ сочиненія, учебники, молитвенники, пѣснѣ отпустнѣ, газеты далѣе таблицы, траурнѣ и визитнѣ билеты, всякъ друкторты. Сіи работы готовяють скоро, добрѣ и дешево.



Въ собственномъ домѣ маєтъ богато заосмотрену  
**книгарню**

котра продаетъ всякого рода книги, головно церковнѣ и школьнѣ, печатнѣ листы, выписки изъ метрикъ и проч.; для учителей всякѣ учебники и руководства, записнѣ книги на принятіе и успѣхъ учениковъ, а также аспиднѣ доски, линіи, карандаши, тенту, паперь, пера и проч., и въ котрои есть единственный складъ на Подкарп. Руси изданий церковныхъ Львовскаго Ставронигійскаго Института. Евангелія, Служебники, Требники, Ирмологіонъ, Тріоди, Октоихи и проч. только черезъ нашу книгарню можно достать.



Расчеты и цѣнники  
безплатно  
засылаеме!

Поручаетъ далѣе свою и днешнимъ потребамъ соотвѣтно заосмотрену

## переплетню

Свой до своего!

котра принимаетъ всякѣ работы, входящіе въ кругъ переплетничего искусства; и сіи готовить въ красномъ и модномъ выробѣ за дешеву пѣну. Старѣ Евангелія, Служебники и вовѣ книги церковнѣ, а также и учебнѣ придля вимаються обновленія.

**въ Ужгородѣ,**

площа Корятовича ч. 10.

Телефонъ: 95

Телефонъ: 95

# БЛАГОВѢСНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

АДРЕСА:

Редакції: Kapitulska ulica 10.

Адміністрації:  
Užhorod, Duchnovičova č. 12.

ПРЕДПЛАТА:

на рок ..... 10.— К  
одно число .... 1.— К  
За границю .... 20.— К  
До Америки..... 1 Д.

ОБЯВЛЕНИЯ

принимаются по цѣнѣ  
за 1 сторону .. 200 К  
за 1/2 стороны .. 120 К  
за 1/4 стороны.. 65 К

## Христіяне стойте за христіянську ПОЛИТИКУ!

Дня 15-го зновъ рѣшае христіянскій руській народъ о своей судьбѣ на цѣлыхъ 6 роковъ. Партиѣ уже все можливо зробили, чтобы для себе позыскати голосовъ христіянскихъ русиновъ. Иде агитация, плинуть обѣцянія зъ устъ агитаторовъ и кожда партія хвалить свою програму.

Намъ христіянамъ въ семъ великомъ руху не свободно утратити свою чисту голову. Намъ добрѣ треба знати, что если побѣдять тѣ партії, котрѣ стоять противъ вѣры, тогды починається переслѣдованіе христіянъ. Тогды возмутъ одъ нась нашъ церкви, нашъ школы, выженуть нашихъ священниковъ, забороняютъ учити религію въ школахъ и наша дорога религія буде зневажана и потоптана.

Кто также сего не хоче, той най уважае, куда голосуе!

Суть многѣ партії, котрѣ рѣзко стоять противъ нашої вѣры. Однѣ (якъ комунисты) хотять цѣлькомъ знищити вѣру Христову и поработити христіянскій народъ въ напованію безвѣрныхъ жидовъ. Другѣ (якъ Гагатко и Гомичковъ) хотять всѣхъ нась поддати підъ батюховъ и зробити насъ одступниками. Многѣ изъ ческихъ партій такожъ противляться нашему христіянскому свѣтогляду.

Зновъ другѣ партії цѣлькомъ не смотрять на вѣру и або автономію требують, або якусь національну політику, або якусь іншу матеріальну корыстъ для народа. Они позирають на туземнѣ интересы чоловѣка, але зъ тымъ ся не творять, что интересує нашу безсмертну душу.

Лишь одна партія на Подк. Руси смѣла отверто виписати, что она е христіянска и народна. Она обороняти хоче насампередъ вѣру одъ всѣхъ численныхъ непріятельовъ, котрѣ хотять его знищити. А ровнорядно воює и за туземнѣ интересы народа. Она рахуе на голосы тыхъ свѣдомыхъ русиновъ, котрѣ знаютъ оцѣнити велику вартость вѣры и котрымъ болить, коли нашу вѣру понижають.

Вождомъ сеѣ партіи есть о. директоръ Волошинъ, кто ужъ только блага зробивъ для добра руського народа, имя кого познає кожда дѣтина на Подк. Руси и честують всѣ тѣ котрѣ суть добрѣ христіяне и добрѣ русини. Другимъ вождомъ сеѣ партії е Мих. Гелебанъ земледѣлець и ревный берецъ нашоѣ вѣры, кто такъ словомъ, якъ и письшомъ уже только много разъ ставъ на оборону нашої христіянскої вѣры. Думаеме, что имена сихъ двохъ кандидатовъ е сильною запорукою, что судьба нашего народа е положена въ добрыхъ рукахъ.

Непріятель будуть кричати, что се поповска партія, что заведе роковину, что мадяронска и т. д. Але тому не треба вѣровати. То все не правда. Вѣру обороняти не лишь священники мають, але и вѣрники и послы въ парламентѣ а на заведеня роковини николи не думала ся партія. О мадяронствѣ и говорити нѣшто.

На заставѣ сей партії е написано „За Бога, за вѣру, за народъ!“ Кому милѣ сѣ слова, най стане подъ нашъ бѣлый прaporъ и най голосує на нашу христіянску-народну партію.

---

**БРАТЯ РУСИНЫ!** Кто любить свою вѣру, кому честь и слава руського народа милѣйша одъ паленки и одъ обѣцянокъ чужихъ партій той буде голосовати на ЧИСЛО 26.

## „Да вси єдино будуть...“ (Іоан. XVII, 21).

Сю статю написавъ и заславъ намъ пан о. П. Гречишкінь, „православный“ священникъ, дѣйствовавшій на Подкарпатю, якъ батюшка, гдомъ признавши блудъ шизматикоў, принялъ св. соединеніе и отдався богословскимъ наукамъ въ Оломовцѣ.

(Продовженіе).

### II.

Отвѣчаеме на сей вопросъ словами св. Іоаппа Златоустаго : „... безначаліе всюда есть зло, причина многихъ несчастій, начало безчинства и непорядка, але въ Церкви то безначаліе на столько не надѣйне, насколько начальство выше и лѣпше“.

Восточна Церковь отдавши всепѣло обрядовой части вѣры и заслонивши тымъ важнѣйшое въ законѣ, стратила внутреннюю связь духовной любви между своими членами. Не маючи духовной власти надъ своею Церквою, разпалася на много церковныхъ общинъ не всегда согласныхъ, а часто просто ворожихъ между собою и по большей части попала подъ иго свѣтской власти, потонувши такимъ способомъ въ невѣжество, подобно якъ вѣтви лежачѣ на земли, покрываются болотомъ и поростаютъся буряномъ.

Безначаліе, одсушность центра духовной власти — отъ причина всѣхъ золъ, постигшихъ Церковь восточну.

Межи тымъ католичество поражало блескомъ своего морального величія своихъ противниковъ и завдячити мусить всю ту славу — великоѣ, внутренноѣ, духовноѣ связи меѧть своими членами. Тажъ духовна внутренна связь членовъ западной Церкви знова мусить быти справедливо одпесена заслугамъ Святѣйшого Престолу Римскаго въ особѣ Намѣстника св. апостола Петра. И помимо всѣхъ неправдъ, которыми ту власть вселенскої Церкви стараются унизити, заслуги Святѣйшого Престолу Римскаго, заслуги римскихъ епископовъ, остануться навсегда великими заслугами, котрѣ оцѣняться будучностію и золотыми буквами запишились на сторонкахъ исторіи вселенскої Церкви. На нихъ спѣвилось предсказанье Спасителя: „иже будетъ во мнѣ, и якъ въ немъ, той сотворитъ плодъ многъ, яко безъ мене не можете творити ничего“. (Іоан. XV, 5). Безъ видомого центру духовной власти, Церковь не може существовати, ибо ждас на неѣ та участъ, котра наїдъ лягла сумнымъ осудомъ на Церковь восточну, ибо — говорить св. Іоанпъ Златоустъ — „если одъ войска одберешь команду, не буде больше порядку въ немъ, если одъ корабля возьмешь кормчого, утопишь корабль; если же одъ стада заберешь пастыря вже разрушивъ единство между овцами. И такъ безначаліе есть зло и причина хаосу“. И природно: „духовиѣ вѣтви, по словамъ арх. Михаила, живутъ и приносять плодъ до часу доки питаются, соками ствола“. Для того необходимость видимої іерархії, т. е. видимыхъ священниковъ, на-

ставниковъ и пастырей, котрѣ бы именемъ Христа управляли вѣрующими, е потребна.

Якъ западна таїль и восточна Церковь вѣрують и учатъ, что Іисусъ Христосъ и по вознесеніи своеемъ на небо перебыває въ Церкви невидимымъ образомъ, что Онъ е Головою Церкви, котру прибавъ своею кровію, основавъ, якъ свое царство, собравъ еъ одъ всѣхъ концовъ земли. Онъ — Голова Церкви, ибо послѣдна соединена зъ Нимъ вѣрою и любовію, управляема Его св. Духомъ. Ояъ, Христосъ — Головный Учитель Церкви, якъ путь истина и животъ. Онъ — начальникъ своеї Церкви, ибо Богъ „все покоривъ подъ ноги Его и поставилъ Его выше всего, Головою Церкви“.

Все то исповѣдуе западна Церковь. Ни Христа не отрицає, а ни не ставить на Его мѣсто папы. Учать Церковь западна, что Христосъ въ Церкви лишь *невидимо* присутствує и дѣйствує въ Ней лишь таинственнымъ, невидимымъ образомъ, посылаючи въ сердця вѣрнихъ свою божественную благодать. Меже тымъ, земна, *видима* часть Церкви состоить изъ людей, живущихъ на земли, котрыхъ потребно *видимо* учити и наставляти на путь спасенія, котрими потребно *видимо* управляти, а для сего потребно *видима* церковна іерархія. Восточна Церковь не отрицає, что Христосъ установивъ на земли таку видиму іерархію епископства, священства и діаконства, котримъ самъ Христосъ сказавъ: „**Га-шай касъ, Мене слушаетъ...**“ (Лук. X, 16). Але весь ворирось зводиться къ одному: потребно раховати всѣхъ епископовъ ровными по власти, а ци е меже ними одинъ, котрый надъ всѣми має право первенства?

Западна Церковь не думаете ставити „своего папу“ на мѣсто Христа и ему приписовати то, что лишь одному Христу належить. Учить западна Церковь, что въ *видимої* власти, котру Христосъ ввѣривъ видомої іерархії, *первоє и найвищє мѣсто належить одному епископу, а same римскому первосвященніку.* „Римскій епископъ“, учатъ богословы западної Церкви, есть наслѣдникъ св. Петра — князя апостоловъ; онъ е центромъ единства и видима голова вселенскої Церкви, онъ держить въ рукахъ своихъ власть церковную и есть *непогрѣшимъ*\* (непомилуванимъ) въ дѣлахъ вѣры“.

Но то самое учатъ и шайславиїлії богословы восточної церкви ажъ до роскола.

Цо же верховну власть римского папы выводить западна

\*) „Непогрѣшимость“ часто замѣняють многѣ восточнѣ полемисты словомъ „безгрѣшность“, т. е. святость живота и то цѣлкомъ зломыслено. Понеже послѣ словъ св. Письма безгрѣшнимъ и святымъ е лишь Богъ, противники западної Церкви симъ пользуються и своими нечестными агитаціями стараются подорвати въ народѣ авторитетъ престолу римского,

Западна Церковь николи не учила, что римскій епископъ е святый се выдумано лише ихъ ворогами протестантами. Римскій епископъ, яко священикъ всегда исповѣдує свої грѣхи передъ духовникомъ своимъ, приймаючи одъ послѣднаго якъ покуту такъ и розрѣшеніе одъ грѣховъ Слово „непогрѣшимость“ разумѣєся Церквою западною не якъ святость живота, но якъ безошибочность Святѣштого (по сану) епископа римского по вопросамъ вѣры и моральности.

Церковь зъ науки о главенствѣ въ св. Церкви св. апостола Петра, потребно єе доказати, что св. Петръ бывъ дѣйстно не лишь начальникомъ и головою апостоловъ, но что Онъ бывъ также и головою всеї Церкви Христової. Помимо практического живота, который покакавъ всему свѣту, что Церковь не може существовати безъ головы, якъ осередка духовної власти (сему е прымѣромъ наслѣдки хаосу восточної церкви и слава западної) пайдеме много доказовъ, оправдующихъ главенство св. Петра и въ Евангеліи, черезъ которое червейшъ пасмомъ пробѣгае ясное первенство св. апостола Петра передъ всѣма прочими апостолами.

Въ первой главѣ Евангелія одъ Іоанна читаеме, что коли св. Андрей привѣвъ къ Іисусу своего брата Симона, Господь сказавъ послѣдному: „Ты Симонъ; сынъ Іоанни; ты наречеши Кифа“, что значить: „камень“ (Петръ). (Іоан. I, 1).

Вже самою первою перемѣною его имени Спаситель ясно показує яка велика и трудна будучность ждае на св. Петра въ Церкви Христової, для якої (будучности) мусить быти каменемъ, потреба чого и показалась въ будущему. Се предсказавіе Христосъ скоро потому приводить къ исповненію. Одного разу звѣдавъ Христосъ апостоловъ за кого почитують Его люде, а потому за кого почитаютъ Его они самъ. На другій вопросъ никто зъ учениковъ не давъ отвѣта и лишь оденъ св. апостолъ Петръ, Богомъ просвѣщенный, одкрыто исповѣдуючи божество Христа сказавъ: „Ты Христосъ, Сынъ Бога живаго“. И Христосъ якъ бы въ награду ему сказавъ слѣдующое: „Блаженъ еси, Симоне, варъ Іона, яко плоть и кровь не яви тебѣ, но Отецъ мой, иже на небесѣхъ. И Изъ же тебѣ глаголю, яко ты еси Петръ (камънь) и на сѣмъ камени созиждѣ Церковь мою, и врата адова не одолѣютъ ей. И дамъ ти ключи царства небеснаго: и еже аще свѧжеши на земли, будетъ свѧзано на небесѣхъ: и еже аще разрѣшеши на земли, будетъ разрѣшено на небесѣхъ“.

Здоровый смыслъ не допускає отрицати, что Спаситель не что иное сими словами розумѣє, якъ лишь главенство св. Петра въ св. Церкви. „Ты Петръ“ — (камънь). Тутъ обращается Христосъ лишь къ одному Петру и значно дае порозумѣти словами тиг каменѣ, что лишь „на сѣмъ камени созиждѣ Церковь Моя“ и т. д.

Правда, всѣмъ апостоламъ данна власть „вязати“, „разрѣшати“, всѣ апостолы именуются „основаніемъ“ Церкви, але никому зъ нихъ не е обѣцяно „камъня“, прочности Церкви, которую врата адова не одолѣютъ — лишь св. Петру, никому зъ апостоловъ не е обѣцяно „ключей царства небеснаго“ — лишь св. Петру. Изъ того ясно, что св. Петръ по воли Христа ставъ выше всѣхъ апостоловъ. Доставши ровну зъ апостолами власть совершати таинства и богослуженія — онъ въ дѣлѣ управлія Церковю одинъ лишь доставѣ ключи царства небеснаго и лишь его власть простидалась на всю Церковь. И, дѣйстно, зъ того часу, мы всегда видиме св. Петра въ головѣ всѣхъ апостоловъ и всеї Церкви. Евангеліе и Дѣянія, перечисляючи всѣхъ апостоловъ, всегда

ставлять его на первомъ мѣстѣ („Петръ же и ученики“), а св. Матеїй прямо называе его первымъ. (Мате. X, 2).

На Тайной Вечери повставъ между апостолами споръ: „Кто зъ нихъ довженъ почитатись большимъ?“ И чтожъ? одни увѣ Христосъ первенство власти въ своеѣ Церкви? сказивъ что всѣ ровнѣ между собою? Нѣтъ. Онъ лишь поучивъ ихъ, якъ довженъ кождый, кому прійдеться быти начальникомъ въ Церкви употребляти свою власть на духовну пользу подвластныхъ: „Болій въ касѣ, да будетъ яко мній: и старый, яко служай“. И въ томъ же часъ указавъ, въ чому будеся служба полагати. Онъ знова обративши къ Петру сказав: „Симоне, Симоне, се сатана проситъ касѣ, дабы склонилъ, яко пшеницѣ: Изъ же молитвамъ Отецѣ, да не осквернѧтъ кѣра твоѧ: и ты нѣкогда обращася оутверди братію твою“. Утверждати другихъ въ вѣрѣ посредствомъ науки поручивъ Христосъ св. Петру, а для того обѣща ему, что вѣра его самого николи не оскудеє.

Послѣ своего воскресенія Іисусъ Христосъ явився одного разу апостоламъ при Генисаретскомъ озерѣ, между которыми бывъ и св. апостолъ Петръ. Коли они обѣдали вмѣстѣ, Господь троекратно звѣдавъ Петра: „Симоне Іонинѣ! — любиши ли мя паче (больше) сихъ“. Самое слово *больше* показуе, что отъ св. Петра зглыдно его первенствующей власти и любовь *больша* къ Христу требовалась. „Шаси агнцы мої“ сказавъ дале Христосъ, поручающи св. Петру все свое стадо.

Такъ разумѣли и св. апостолы власть дану Христомъ св. Петру, всегда уступаючи ему первое мѣсто и первый голосъ. Такъ разумѣла ту власть и Церковь восточна спѣваючи: „Иже отъ Отца гавльсѧ Божіє Слово, кого мя непциуете, вопрошающи Христѹ: ты живаго Отца Сынъ, яко всѣмъ оуста богогласѹ, аbie возопилъ єси. Нбо славитъ Богъ сего кѣро славиши, и къ восприятію богатно призываєшъ, и каменя тебе непостыдна, церкви подрѹженіе и основаніе положи“. (Мин. мѣс. іюнь 29. на утрени).

„Петре, вѣры каменю, Павле, похвало вселеннымъ, отъ Рима сошедшесѧ оутвердите насѧ“. (Мин. мѣс. іюнь 29. На утрени въ концѣ инакая, послѣ З пѣснѣ канонъ).

„Христосъ тѣ перваго избралъ, Петре Основаніе вѣры...“ (Мин. мѣс. 29. іюня на мал. повеч).

„Днесъ намъ Основаніе церкви. Петръ камень вѣры...“ (Мин. мѣс. януаря 16. Поклоненіе честныхъ верш).

„Петре, апостоловъ Основаніе, каменю Христовы церкви, христіанъ. начало, паси Овцы твоего двора славно...“ (Мин. мѣс. 29. іюня. На вечерпі).

„Берховное Основаніе апостоловъ, ты... Рима же ты былъ єси первый епископъ, пре велика градокъ слава и похвала и церкви Петре оутверженія и врага адова не одолѣютъ...“ (Мин. мѣс. 30 іюня. Соборъ св. славныхъ и всехвальныхъ апостоловъ. На утрени).

„Законы Христовы оутвердилъ єси..., яко

догматовъ основаніе недвижимо". (Мин. мѣс. 16·  
января. На утрени. Пѣснь 3-я канона).

„Китайство въладыки величіа...”, та ко осноўаніе вѣ-  
роў. (Мин. мѣс. 16. января 4 а шчснъ кан. Утrenя).

„Берховнаго и перваго апостола въ...“ (Мин. мѣс. 16. януаря на утрени. Кондачъ послѣ 6-ой пѣсни).

„Рекховникъ изъ сѧ и вѣрховнаго.. очко да-  
сѧ изъ сѧ престолъ“. (Цамять св. Сильвестра папы римскаго  
2. януаря Мин. мѣс. на утрени, пѣснь 8 а канон).

„Петре, в єрховне славныхъ апостолъхъ, каменю  
вѣрь...“ (Мин. мѣс. 29. іюня. На великомъ повечеріи, стихири  
на литії).

**„П е р в о с т о л ь к . . . Б о ж е с т в е н н ы й в е р х о в н и к з . . .“**  
(Служба св. Петра епископа Александр. 25. Ноября, на утрени  
пѣснь 8 канона Мин. мѣс).

**Для интересующихся подам:**

Мин. мѣс. 16. януаря, свѣтилен въ концѣ утреи,

икость передъ 7-го пѣсн. на утрени,  
кондакъ по 3-ой пѣсни на утрени,

тропарь въ концѣ вечерни,

29. іюня, 7-а п'єснь канона св. ап. Петру,

" " " " " 1-a " " " " "

„ „ 25. априља, 7-а пјеснь канона на утрени,

, „ 30. іюня, кондакъ по 6-ой пѣсни на ут

,, , „ „ „ „ Пѣснь 7-а канона на утрени,

„ 5. августа, пъснь 7-а канона на утрен

„ 29. юня, стихира на Вел. вечерни,  
пълна със свещи от Царската църква

\* \* \*

Оставляючи своихъ учениковъ, Господь сказавъ: Заповѣдь  
новую даю вамъ, да любите другъ друга... изъ того огнѧ-  
ютъ, что вы можете ученики, если любовъ имѣти въдеть между  
собою. (Иоан. ХІІІ. 35.) Труди гись таже треба о елости педков-

пой, ибо Господь сказавъ: „всѧкое царство котрее роздѣлится въ себѣ — запустаетъ“. Мѳ. XII. 25). Особенно трудитись о единости должно нынѣ, коли ядъ певѣрія, проникаючи въ сердца христіянъ, якъ червъ, невидимо подточус великое дерево Христовоѣ Церкви (Мѳ. XIII. 31-32), погубляючи пороками и невѣжествомъ слабыхъ еї чадъ. Посему всякий, который противиться единости лишь зъ особыхъ интересовъ — есть ворогъ Церкви и недостоинъ имети христіянина. Сама Церковъ восточна одчуває потребу единости, ибо видить, якъ сумнѣ наслѣдки принѣсъ росколъ христіянству, въ частности Церкви восточной. Тотъ бо (роскол) произойшовъ главнымъ образомъ лишь из-за пальмы первенства, чести и власти между двома епископами — Римскимъ и Цареградскимъ. Причомъ первый мавъ на то право божественное, другой право ни на чомъ не основаное. (Се оправдавъ и Промыслъ Божий, вручивши первому честь и славу, другому каось невѣжества и непорядка. Къ единости обязуе насъ повинность христіянска и любовъ вѣры Христової. Благодать же Господа най довершить дѣло единости всего христіянства. „И познаесте истину и истина сководитъ вмъ“. (Іоан. VIII, 32).

П. Гречишкінъ,  
священникъ православный.

ЕМ. БОКПАЙ:

## ВЪ РИМЪ.

Дня 13-го октября 140-ро русиновъ сѣло на жалѣзницю, чтобы участь брати въ первомъ паломництвѣ Подк. Русиновъ до Риму. Были тамъ зъ всѣхъ сторонъ Подк. Русинъ Ужгороду, зъ Свалявы, зъ Подпlesia, изъ земолинскъ столицѣ, изъ пряшевской епархіѣ; было тамъ изъ всѣхъ верствъ народа: священники учителѣ, селяне, старцы, молодцы, жены и мужи, подъ проводомъ Прѣосв. епископовъ Петра и Діонисія. Всѣхъ насъ одушевляла тата думка, что идеме нащивити тѣ святѣ мѣста, где першѣ мученики умерли за христіянку вѣру, где спочиває верховный апостолъ и другѣ апостолы и где живе наслѣдникъ св. Петра римскій Отець, где каждое ступня землѣ святое и дорогое передъ вѣрючимъ христіяниномъ.

Дня 14-го въ Братиславѣ одирали сме св. Службу Божу на праздникъ Покрова Пр. Д. Марії. Тамъ не е гр. каѳ. церкви и такъ мы въ церкви іезуитовъ служили; братиславскѣ христіяне може николи не видѣли греческого обряду и всѣ зъ дивованьемъ позерали на насъ. Симъ мы дали доказъ тому, что хотя есьме иного обряда, але тоѣ самовѣры.

Дня 14-го о год. 11-ой въ середу въ двохъ особыхъ поїздахъ, в'едно зъ паломниками словацкими выїхали мы зъ Братиславы. Прекраснѣ околицѣ Семеринга (Австрія),

потомъ плодовита долина рѣки *По* (Італія) зачаровали паломниковъ, котрѣ довго позерали на сѣ чужѣ стороны зъ оконъ жelѣзницѣ. Радость паломниковъ еще убольшалася, коли въ четверъ около полудня у *Равенни* утямили море; крайомъ моря ишла наша жelѣзница довго-довго, даколи такъ близко, что волны досѣгами колеся нашего поїзду. Прекрасный видъ бывъ зъ близку позерати на волнуочое море, головно тымъ многимъ изъ нашихъ паломниковъ, котрѣ теперь первый разъ видѣли сю величезну бездонну воду.

Пополудни прибыли мы черезъ *Анкону* до *Лорето*. Туй оо. францисканы мають на одной горѣ великій монастырь и прекрасну церковь. Мы греко-каѳ. русины оддѣлисѧ смеся одъ словаковъ и оддѣлно подъ проводомъ нашихъ епископовъ пошли въ храмъ Божій, где въ каплицѣ славянъ одиравили Параклісъ на честь Пр. Дѣви Марії. Въ сей церкви сохраняється мала хижка, въ которой бывавъ малый Іисусъ въ *Назаретѣ* зъ Пр. Д. Марію и св. Іосифомъ. Такожъ туй видѣли мы малѣ талерки и ложки, котрѣ хосновала св. фамилія. Всѣ мы зъ глубокимъ чувствомъ стали на колѣнки въ сей малой хатѣ и побожно пѣловали св. стѣны мѣстопребыванія св. фамилії.

Другу ночь такожъ перебывали мы въ вагонахъ. Рано, въ пятницю прибыли мы до *Ассісі*, где живъ и працевавъ св. Францискъ.\* На высокой горѣ стоить прекрасна церковь, котра має три поверхи. То е три церкви, одна на другой; въ сей церкви е и гробъ святого. Туй такожъ слухали нашъ паломники св. службу Божу на нашемъ обрядѣ и причащалися. Въ Ассісѣ перебыли мы съ 4. години, потомъ посѣдали на жelѣзницю и рушилисѧ въ вѣчный городъ Римъ зъ богоійнымъ почутъемъ сердця и горячимъ желаніемъ.

До Риму прибыли мы по полудни. На стаціонѣ довго чекали, доки проводники роздѣли и помѣстили велику товпу (1600) паломниковъ. Мы греко-каѳолики русины мали великое щастя, что меже нами были нашъ епископы, Преосв. Петро и Діонисій; они рѣшительно пожадали, чтобы греко-каѳоликовъ помѣстили на одномъ мѣстѣ. Такъ и было. Всѣ мы достали доброѣ мѣсто близъ *Латерана* въ одной гостиницѣ. Понеже того дня не мали мы ніякоѣ программы, паломники, розложили свої пакеты, повечеряли, одкончили на дворѣ св. Параклісъ и вечерню молитву и полѣгали выспочивати тридневну довгу и тажку подорожъ.

Дня 17-го (пятницю) рано першою нашою дорогою было нащивити наибольшу церковь города Рима и цѣлого свѣта, храмъ св. Петра.

Сей храмъ е найвеличавѣйшимъ будинкомъ цѣлого

\*) Онъ народився р. 1182. и зъ першу легкомысленное житя провадивъ, потомъ ставъ горячимъ прозовѣдникомъ худобства и покаянія. Р. 1210. заосновавъ монашескій чинъ францискановъ.

свѧта, е сердце и осередокъ цѣлого христіянства, ибо туй погребеный верховный Апостолъ св. Петро и надъ его гробомъ царствує и управляє цѣломъ христіянскимъ свѧтомъ 261-ый наслѣдникъ св. Петра, XI. Пїй, римскій Отець. Коли первый разъ угямили мы зъ трамвая (електричнай возъ) величезну церковь, подумали на слова гимна папскаго:

Где Петра свята могила  
Тамъ звучить молитва наша  
Изъ устъ тысячи и тысячей  
Гимнъ, роющихъ родовъ людей,  
Боже храни святого Отца  
Христова намѣстника!

Тамъ, где теперь храмъ св. Петра стоять, тамъ колись циркъ цѣсаря Нерона стоявъ. Точно на томъ мѣстѣ. Коли Неронъ зачаливъ Римъ и про се выбухла меже народомъ революція противъ него, безбожный Неронъ всю вину усунувъ на христіянъ. И тогда почалося первое кровавое переслѣдованіе христіянъ. Неронъ въ своемъ цирку великое множество христіянъ привязавъ до стовповъ, золявъ смолею и зачаливъ. А самъ сѣвъ на кочію и возився меже ними и насолождавшися изъ ихъ страшныхъ муکъ.

На семъ мѣстѣ бывъ разпятый и св. Петро рока 67-го. Овъ рока 42-го пришовъ до Риму и туй за 25 роковъ бывъ епископомъ города и управителемъ цѣлого стада Христа. Третій наслѣдникъ св. Петра св. Келеменъ споминае, что тѣло св. Петра свящ. Маркелъ, св. Апулей, св. Анастасія и св. Василиса поховали при пути коло цирка, точно на томъ мѣстѣ, где и теперь лежить. (У римлянъ кладбища были и при путяхъ, и римляне всегда отдали почестъ гробамъ помершихъ и щадили ихъ, навѣть и гробы христіянъ). Надъ гробомъ св. Петра у пару роковъ папа Анахайтъ (другий наслѣдникъ св. Петра) збудовавъ каплицю. Коли подъ Вел. Константиномъ христіяне достали свободу вѣры, императоръ Константинъ вынявъ тѣло св. Петра зъ гробу въ присутности св. Силвестра, папы римского, положивъ въ бронзову труну, украсивъ золотымъ крестомъ и рока 323 по почавъ будовати базилику (храмъ) надъ гробомъ верховного Апостола. Одну стѣну изъ цирка Нерона подержавъ, и та была южна стѣна нової базилики. Ся церковь стояла за 1126 роковъ, т. е. до рока 1450. Въ сихъ часахъ старый будинокъ почавъ уже розвальоватися. Тогда римскѣ отцы (І. Юлій) наяли найзнаменитнѣйшихъ майстроњ-художниковъ им. Bramante, Michel Angelo и пр., котрѣ збудовали вынѣшну прекрасну базилику. Будовали одѣ 1506-го до 1626-го року, т. е. за 120 роковъ.

Храмъ св. Петра е найбóльшій на цѣломъ свѣтѣ. Передъ храмомъ е велика площа, на которой войско зъ 200.000 людей зъ всѣми приладами легко помѣститься. Площа обніята колумнами, на которыхъ помѣщенѣ статуй 162 святихъ ( $3\frac{1}{2}$  м. високѣ). На серединѣ площи стоить 30 м. високій обелискъ

(стовпъ), что еще имп. Caligula давъ привести зъ Египта и поставити въ цирку Нерона (обелискъ е зъ одного камъня). На передѣ церкви е притворъ. На верху фронта статуя 12 апостоловъ и Христа (5 м. 65 дм). Колумнъ на передѣ 29 м. высокъ.

Коли чоловѣкъ ступить до церкви зъ разу не почуе огромну величость церкви. Видиться, что е въ звычайноѣ величости церкви. Лишь коли пойде на край куполы (зъ лифтомъ) и зъ горѣ попозерае, появляется ог; омана величина буличка. Простора церкви 15.160 m<sup>2</sup>, высота 180, довгота 200 м. Сама купола 42 м. широка и спочиває на четырехъ стовпахъ, округъ которыхъ выносить 75 м. На серединѣ стоять головный престолъ на четырехъ стовпахъ; при семъ престолѣ не можно лишь римскому архиерею служити св. службу. Сей алтарь е 30 м. высокій, также такій, якъ вежи ужгородскої епископскої церкви. Передъ престоломъ е пов- круглое углубленіе, а въ немъ гробъ св. Петра; около гроба постоянно горять лампы (82) зробленіе зъ чистого золота.

Въ храмѣ св. Петра е много святихъ людей погребено. Окремъ св. Петра тамъ спочиваютъ майже всѣ паны пер- шихъ столѣтій, котрѣ умерли мученикою смертю; изъ апо- столовъ туй похованіѣ: св. Симонъ и Фадей и голова св. Андрея и св. Луки евангелистъ. Туй дозирають хустку св. Вероники зъ образомъ Христа, копіе, чимъ пробили ребро Христа Господа. Туй спочиває подъ однимъ престоломъ и великий святитель, св. Іоавнь Золотоустый, патріархъ кон- стантинопольскій, потомъ св. Григорій Богословъ и св. Гри- горій Назіянскій, котрѣ на востодѣ таку велику борьбу мали зъ еретиками и окремъ сихъ моції много іншихъ святихъ.

Нашѣ священники першу св. службу одирали на престолѣ надъ гробомъ великого восточного святителя, св. Григорія Назіянского: св. Евангеліе брали на праздникъ св. Петра и Павла, въ котромъ Христосъ каже: „Ты еси Пётръ и на сеѧ камени сожиждё Церковь мсю...“ Всѣ вѣр- ники до глубини сердца зворушилися, коли чули слова самаго Іисуса и подумали, что туй не далеко спочиває той, кому Христосъ самъ передавъ найвышу церковну власть и ключи царства небесного. По одиравленю епископской службѣ паломники постали въ ряды и триразы перейшли черезъ ювилейнѣ двери при чомъ епископъ Нярадій воз- вавъ всѣхъ на зложенія исповѣданія вѣры (Вѣрю...) и всѣ паломники явно и публично исповѣдали, что до смерти вѣрнѣ будуть до своеї вѣры греко-каѳолическої.

Римляне дуже рѣдко мають пагоду видѣти греко-као- ликовъ въ Римѣ; всѣ дивовалися, коли учули нашѣ пре- краснѣ пѣснѣ и нашъ восточный обряль. Всѣ тѣ зъ ко- трыми говорили паломники дуже хвалили красоту нашего обряда восточного и зъ уподобаніемъ слухали нашѣ цер-

ковиѣ пѣснѣ. Цѣла церковь гучила, коли греко-каѳ. русины заспѣвали: Господи помилуй, Слава, Единородный и пр.

Храмъ св. Петра е такъ великолѣпный, что чоловѣкъ ледва може одорватися одь него. Сердце тягне чоловѣка все назадъ. Але дармо, паломники около полудня мусѣли оставити его, ибо есть еще много таихъ святынь въ Римѣ, что неодмѣнно повиннѣ были паломники попозерати.

Коли я першій разъ увидѣвъ храмъ св. Петра, сей величезный будинокъ не цовлѧвъ на мене мило и притягаючое. Тѣ великиѣ розмѣры чужѣ были менѣ, не збудили въ мнѣ чувство пріязности и уподобанія. Але коли я за якійсь часъ перебывавъ въ немъ, тогды я почувъ и понявъ велику красоту и великолѣпіе сего храма. Милое, красное, притягающее все, что туй е.

И се чувство, се захопленя найдеся у многихъ людей, котрѣ першій разъ увидять сію величезну базилику. Такъ бывъ и оденъ протестантскій ученый. Его принялъ на авдіенціи папа Григорій XVI Звѣдае папа:

— Якъ вамъ подобався храмъ св. Петра?

— Величезный будинокъ зъ початку не подобався менѣ, але коли я за якійсь часъ перебывавъ въ немъ, найдовъ я въ немъ велику радость и уподобаніе.

— Каке папа:

— Видите такъ есьме и зъ Церковю Христовою (католическою). Многимъ, котрѣ зъ вонку стоять не подобається; але коли зайдуть и за якійсь часъ перебудуть туй, тогды увидятъ еї красоту и полюблять еї.

Мы греко-каѳолики можеме смѣло называть и держати и своимъ сей великолѣпный храмъ Божій. Ибо св. Петро приходивъ до Риму зъ востока, тамъ спочивають мощи нашихъ найзнаменитѣйшихъ восточныхъ отдовъ, и тамъ дозволено намъ хоть коли одиравляти нашъ Богослуженія. Але еще лѣпше можеме гордыми быти на то, что мы належиме и той Церкви Христової, котра существуете одь часовъ св. Петра, котра соединяе въ лонѣ своемъ всякѣ народы зъ цѣлого свѣта и мае за головного управлятеля прямого вадѣника св. Петра, римского отца.

(Продовжается).

## Публична подяка.

Паломники изъ Подк. Руси симъ путемъ заявляють свою щиру подяку Преосвященнымъ епископамъ Петру и Діонизію, что были такъ ласкавѣ насть въ Римѣ доглядати и въ всѣхъ нашихъ потребахъ нашими водителями и проводниками быти. Мы всѣ предсвѣдченѣ, что безъ широкого знаня и сердечної послужности пряшовскаго епископа, кто уже больше разъ бывъ въ Римѣ и володѣе италіянскимъ языкомъ наше паломницство

нїякъ бы было не досягло своеѣ цѣли. Онъ всягде тамъ бывъ з нами и кождому зъ нась щиро помагавъ. Его вдячность и сердечность зостано однимъ зъ найкрасшихъ памятниковъ нашого римского паломництва.

Най Господь Богъ благословить обохъ ревныхъ епископовъ за ихъ труды и подержить ихъ на многѣ лѣта.

Ужгородъ, 25. X. 1925.

Римскѣ паломники.

## Схизматики плачуть.

**Вытврелисиа изъ чеховъ. Кажуть, что лѣпшѣ были мадяре. Кто е по правдѣ мадяронъ?**

Видѣлисте уже крокодила плакати? Та такѣ слезы проливають теперь небораки-схизматики, которыхъ безсовѣстнѣ агитаторы и бородачѣ завели у бѣду. Гойкали, кричали, хвалилися, что чехи ихъ такъ и такъ подпорують, а теперь жалостно признаютъ, что чехи ихъ звели а горьку поливку бѣднѣ схизматики мають поѣсти.

Найновѣйша „Схизматическая Ложъ“ одну довгу статю написала зъ горькими слезами о великихъ кривдахъ (??) бѣдныхъ схизматиковъ Карп. (?) Руси. Пишуть что:

1) Чехи не признаютъ вѣ Карп. Руси „православныхъ“ (?). христілнѣ Правду мають, бо тутешнѣ „православнѣ“ большевики, котрѣ своими беззаконіями причинили, что въ нашей краинцѣ только горя, бѣды и терпѣння. Ни одна статочна держава не може признati таку вѣру, котра свою науку розбойомъ, терроромъ (насильствіемъ) и переслѣдованиемъ другихъ вѣроисповѣдань розширяе.

2) Православная вѣра Карп. Руси не имѣетъ никакихъ прав. Такъ мае и быти; бо всѣ тѣ котрѣ беззаконія роблять, утратять свої права и не заслужать хиба на кару, а ис на права.

3) Ческія власти отнимаютъ и передаютъ уніятамъ православныя церкви. Забыли додати, что тѣ церкви, что схизматики на способъ розбойниковъ взяли одъ нась якъ злодѣї. Схизматики ни одної церкви не мали на Подкарпатю. Ани одної! Что теперь мають, то они забрали насилою, святокрадствомъ, за котрый грѣхъ каранѣ будуть и перѣдъ вѣчнымъ Богомъ. Добре роблять чехи, коли возмутъ одъ нихъ и вертають намъ назадъ, то что наше.

4) Чехи не даютъ намъ успокоитися. Та де бы дали, коли вы не мѣститеся въ своей шкурѣ. Доки тѣ схизмы не было на Подкарпатю та бывъ порядокъ и спокой. Але одколи розсѧно съмѧ Фотія почалося проклятия и роздоръ въ сей нещастной краинцѣ. Вы самѣ тому причина, что вамъ не даютъ успокоитися. Справуйтесь честно, та буде и вамъ гораздъ.

5) Ческія эсандармы насъ бютъ и проливають кровь православныхъ христіянъ. Слезы фарисейскѣ и крокодильскѣ! Коли васъ буть та певно не за фотіову вѣру, ала за тѣ великѣ беззаконія, провини, лукавства, что постоянно робите. Колько разъ вы заломилистеся въ нашъ церкви, подпалилисте нашихъ ревныхъ вѣрниковъ, выгналисте нашихъ священиковъ ночю въ зимѣ зъ фары, кам'нями побилисте, всяkimъ способомъ зневажалисте нашихъ людей, колодязы отровилисте, гранаты металисте, въ окна стрѣлялисте и Богъ знае якѣ насильствія и паскудства робилисте. А на конци еще вы кричите! Красна совѣсть! Та обысте знали, что про се власъ буть и мають быти доки лишь не перестанете сякими беззаконіями розширяти вашу схизму.

А на конци:

*Православная Церковь въ Карп. Руси гонима горше, чѣмъ при мадярахъ. Вотъ мадяронъ! А еще батюхи кричать, что мы греко каѳолики мадяроны?! Теперь уже можуть чехи видѣти якихъ плекали на грудяхъ своихъ. Дозволили чтобы выросли роги схизматиковъ, а они теперь кажуть, что лѣпшѣ были мадяре, бо они не переслѣдовали схизматиковъ-кацаповъ. Се має быти наукою и для самыхъ чеховъ! Они теперь могутъ видѣти, яку ошибочну и мильну политику вели, коли пустили на насъ греко-каѳоликовъ темну товпу схизматиковъ. Схизматики розбили единство русиновъ на Подкарпатю, а теперь звертаються противъ чеховъ!*

Плачутъ схизматики и рыдають. Але они се повно и заслужили! Бо за ихъ беззаконія іншого и не заслужать. На ихъ нарѣканя и жаловы лишь одна медицина е. Оставити блудъ схизматицкій, и вернутися назадъ въ Христову Церковь. А батюхи най идуть зновъ свинѣ пасти и коней гнати!

---

Читателѣ Благовѣстника мають одну повинність. **Найменше 20 людей собрати для голосованя на христіянско-народну партію.** Тогда уже обезпеченъ для насъ два посы. Тогда уже можеме успѣшно боротися противъ схизматиковъ и безбожниковъ. **Число партії 26.**

## ДОПИСЬ.

Гагатковцъ въ Уличѣ хотѣли держати собраніе для кривославія. Гагатко и Димитрій Симуликъ шизм. агитаторы заявили на передъ же прійдуть!

Дня 4-го окт. прійшовъ Симуликъ, але никто не хотѣвъ его чути. Однакъ панъ Симуликъ зайдовъ въ „уніяцку“ церковъ искающи „Кого має поглотити“.

По св. службѣ зачавъ говорити вѣрникамъ. Якъ докончивъ свою бесѣду, выступивъ одень вѣрникъ уличскій и просто въ очѣ повѣвъ ему, что може ити вотки прійшовъ, церкви а священникамъ най дастъ покой!

„Мы маеме доброго священника, намъ шизматицкого не треба“ казали люде.

Симуликъ на то казавъ же уніяцки попы гордѣ.

„Добрѣ если гордѣ, бо ученѣ не такъ якъ вашѣ батюхи котры кондаши были, а древарубачѣ.

И коли видѣвъ, же не добрѣ буде съ нимъ если дальше остане, по пару словахъ зобрався тай „коло Fromiа a Вencіа“ пропавъ. Люде гойкали за нимъ: „иди такъ абысься николи не вернувъ назадъ“!

Безочливѣ гагатковцѣ насильственно пхаются теперъ уже и на Словенско противъ волѣ народа и хотять свою партію натискати на людей. Но нашъ народъ уже такъ легко якъ — они думаютъ — собѣ заколотити уже не можъ. Зъ роковиною и денниками агитовати уже у насъ не варта!

Окламали народъ соц. дем., коммунисти а труд. шизм. партії, но теперъ уже видить пашъ селянинъ, что лемъ нар. хрис. партія може ему помочи!!

Притомный.

## НОВОСТИ

Всѣ христіяне мають голосовати лишь на ХРИСТИАНСКО-НАРОДНУ ПАРТІЮ. Число 26.

— Новый календарь у „православныхъ“. Урядова газета Польскоѣ „Православноѣ“ церкви, „Духовна Бесѣда“ оголошує мѣяцсловъ на 1926 рокъ. Въ оголошеню каже: „Православнѣ свята будуть умѣщенѣ по старому и по новому стилю“. (Духъ. Бес. ч. 14). Чтобы порозумѣти прочто суть поданѣ свята и по старому стилю, тому причина то, что церковное правительство уже завело новый календарь, але народъ туй-тамъ протистоявъ. Для сихъ вѣрниковъ, прилѣпляючихъ ся до старого календаря умѣщений и старый стиль. Радиме вся-

кимъ агитаторамъ на Подк. Руси умѣтати передъ своею хатою, а не брехати, что мы заводжуеме новости до церковного житя. Але если они не будуть брехати, якъ тогды розширяти годнѣ схизму?

— **Колутня около нового календаря у схизматиковъ.** Миссіонаръ пише, что въ Греції звели такожъ новый календарь. Але се заведеня не ишло гладко. На островѣ Кипрѣ грецкій архіепископъ Кириль бывъ примущеный засупендовати (усунути изъ уряда) гдеякихъ священниковъ, котрѣ повстали противъ нового календаря и подбурьовали народъ противъ церковної власти. Ся вѣстка есть такожъ доказомъ того, что церковна власть схизматиковъ всягде розпорядила запровадити новый календарь. Та братя схизматики Подкарпатскѣ мовчки будьте и не брешть, что мы хочсме завести латинскій календарь; бо цѣлый свѣтъ знае, что то зробили вы.

— **Плита зъ надписомъ одъ Мойсея.** Англійский учений Петри нашовъ р. 1903. на горѣ Синайской въ старо-египетскомъ храмѣ каменны плиты зъ прастарымъ написомъ. Ученѣ дойшли до того, что могли прочитати и потолковати. Проф. Грімъ доказавъ, что языкъ напису е языкомъ Библії. Найшовъ на плитахъ три ряды, въ которыхъ высокий церковный дигнитарій дякує доњицѣ фараона Гатсепаутъ зато, что его вы-свободила изъ рѣки Нила и назвала Мойсеемъ. Извъ того ясно, что напись плитъ походить одъ Мойсея.

— **Вже не годнѣ терпѣти.** Въ Россіи въ Слуц-

комъ окружѣ селяне забили одного комунистичного коми-саря (Каррака) з колами за зневагу креста. Карракъ перейшовши черезъ село, ставъ передъ крестомъ и зачавъ лаяти кресту. Потомъ взявъ оружіе и стрѣливъ на розпятія. Селяне затовкли его на томъ самомъ мѣстѣ. (миссіонаръ)

— **Комунисты въ Россії** цѣлкомъ знищили вѣру. Священникамъ забороняли проповѣди сказати, дѣтей не свободно учити на религію, церкви перемѣнили въ танечнѣ школы и театры. Всягде розширяютъ безвѣріе. Ихъ добре плаченѣ агитаторы всягде ходять и бесѣди держать, что не е Бога. Изъ вѣры и изъ христіянъ всякѣ смѣхи выробляють. Не давно рѣшили поставить статую Юдѣя и праздничъ (25-го дец.) померещому Богу. Мають и газету: Безбожникъ, въ которой газетѣ всякѣ паскуднѣ образы суть о Богѣ, Пр. Д. Марії и Іисусѣ. Комунисты въ Россії подъ короткѣмъ панованіемъ замордовали на смерть много тысячей христіянъ. Такъ они газдуютъ, где досталися до политичної власти.

— **Сколько людей живе на земли?** По приблизномъ обчисленю переведеномъ въ 1924 г. живе на земской кулѣ 1,800 міліоновъ (одинъ міліардъ осемсотъ міліоновъ) людій. Въ 1910 г. числили ихъ на 1,680 міліоновъ. Значится


за 14 годовъ приросло около 120 миллионовъ людей на земли. Въ самой Европѣ живе около 450 миллионовъ населеня. Цѣкавий ты певно, брате милый, знати сколько людей умирае? Послухай, я тебѣ скажу. Ученѣ обчислили, что на одну минуту умирае 90 людей, въ одной годинѣ 5,4000 людей, денно около 130 тисячъ,

— Короткѣ вѣсти. Въ Америцѣ въ городѣ Филаделфії поставили статую первому чоловѣкови, Адамови. Памятникъ е сѣмъ метровъ высокій и на нем надпись: „Такъ проминае величъ свѣта“. — Схизматицка церковь въ Польщѣ одмучилася одъ московсково патріарха и стала самостойною. — Св. Отецъ причисливъ до св. церковныхъ учительовъ Петра Капиція. Изъ восточныхъ отцовъ учителями церкви, суть: Баназій, Василій Вел., Григорій Наз., Кириль Алекс. Іоанъ Зл. Ефремъ Сирійскій.

Читателѣ Благовѣстник мають держати сильный и нерозорваний фронть и свої голосы здати на христіянско-народну партіѣ. — Нашое число 26.

РЕДАКТОРЪ-ИЗДАТЕЛЬ:  
АВГУСТИНЪ ВОЛОШИНЪ.

ОТВѢЧАТЕЛЬНЫЙ РЕДАКТОРЪ:  
ЕМИЛІЯНЪ БОЖШАЙ.



а въ одномъ годѣ близько 50 миллионовъ людей йде въ сиру могилу. За кождимъ ударамъ часовника гасне одно людское житя, а виростая свѣжий грѣбъ. Ци ты думаешьъ про се, что и до тебе зближается сей страшный косаръ? Будьте готовы каке Господь Іисусъ до всѣхъ, Гадкуй-же

! —

!! СВОЙ ДО СВОГО !!

## „АКОРДЪ“

Перша руська фабрика звоновъ въ Ужгородѣ.

Найлѣпшѣ звоны править перша руська ліярня звоновъ „АКОРДЪ“. Капиталь создали сами напи люде. Она заряджена по найновѣйшой техніцѣ и веденà перворядными фаховцями Мѣстности фабрики находяться коло жельвнодорожної станціи въ Ужгородѣ. Тамъ постоинно выставлены образцевы звоны.

Найлѣпшій благородный метал. Спеціальна марка „Акордъ“ „А“ и „С“ звоны, 10-рочна гарантія.

Замовленя просиме адрессовати:

„АКОРДЪ“, ліярня звоновъ въ Ужгородѣ.

КАНЦЕЛЛАРІЯ: Ужгородъ, Капитульна улиця 11.

— Замовленя можъ передати и въ Подкарпатской Банку. —

Первое и единственное  
дружественное подпрѣемство „СОЛ“

свѣчкарня и воскарня в Космоносах заложено и ведено духовенством и лицами, долоруче своє перворяднѣ выробы, церковнѣ свѣчки, каждого другу, восковъ, полвосковъ, крашенъ и луксусно здобенъ, якож и столиць свѣчки всього другу, мыло на праня и тоалетное, крим на обувь, воск и крим за чищеня паркету. От духовенства купуеме пчолячий воск, отпадки из свѣчок, или вымѣняеме за свѣчки. Всому превелебному духовенству, съ патронатным урядам, господарским дружествам, и всѣм католицким сполкам до ласкавоѣ вѣдомости под геслом:

„СВОЙ К СВОЙОМУ!“

JOSEF NEŠKUDLA

NOVÝ HRADEC KRÁLOVÉ Čs. R.

Посылае скоро за половину цѣну: Ризы, стихары и всѣ потребнѣ одежи для гр. каѳ. литургіи, заставы, иконы одак д. художников, чаши, олтарнѣ свѣчники, лустры, кресты, одежи и проч найдешевые.

— Коло новых обедненіях скоро задармо поправлю старѣ одеѧ.

Начинається місійний рух, въ цѣлой нашей епархіи. Въ нынѣшніх часахъ и не можеме представляти собѣ успѣшныхъ місій безъ

вѣрооборонныхъ брошюрокъ.


Редакціѣ Благовѣстника и Душпастиря мають на складѣ такѣ добре брошурки, что симъ путемъ горячо вручаеме во увагу всѣмъ священникамъ и вѣрикамъ.

1. М. Гелебанъ: Где глядати правду? 1. К. гел.
2. Ем. Бокшай: Наверненіе о. С. Дзубая шизм. епископа — „ 20 гел.
3. М. Режанюкъ: Якъ я вытвerezився изъ шизм. блуду — „ 10 гел.
4. Забужный: Римскѣ отцы и вселенскѣ соборы — „ 40 гел.
5. „ Римскѣ отцы и учение восточн. отцовъ — „ 40 гел.

Можно ихъ заказати: Тип. „УНІО“ Ужгородъ, Корятов. пл. 10.

Сѣ брошурки мають всѣ наши вѣрики перечитати!

СУКНА И МОДНѢ МАТЕРІЯЛЫ,



панскѣ и дамскѣ формовѣ, тепихы, церковнѣ сукна, готовѣ реверенды, стихары и одежи продаются найтуншѣ по мustrѣ, котрѣ посылаеме на жаданя.

Выrobы суконъ HEZINA A SPOL Нимполец  
Новѣреній лиферантъ Церковного Товариства про Рег. Чсл.